

Redovni izvještaj dnevnih događaja i pojava

Izvještaj se odnosi na događaje u vremenskom periodu od 16.08.2026. godine od 08:00 sati do 17.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać. Vatrogasna jedinica grada Bihaća imala je devet intervencija na gašenju požara:

- Od 11:50 do 14:30 sati u mjestu Vedro Polje, gdje je gorjela trava i nisko rastinje..
- Od 13:35 do 16:11 sati u mjestu Demirovića Brdo, gdje je gorjela šuma.
- Od 15:29 do 16:11 sati u mjestu Maskara, gdje je gorjela trava i nisko rastinje.
- Od 16:03 do 16:26 sati u mjestu Humci, lažna dojava požara trave i niskog rastinja.
- Od 16:49 do 19:02 sati u mjestu Račić, gdje je gorjela trava.
- Od 19:00 do 20:08 sati u mjestu Vedro Polje, gdje je gorjela trava.
- Od 17:04 do 20:59 sati u mjestu Maskara, gdje je gorjelo smeće.
- Od 20:58 do 21:37 sati u mjestu Vučjak, gdje je gorjela trava.
- Od 19:30 do 23:10 sati u reonu Plješevice, izviđanje terena zbog gašenja požara koji je još aktivan.

U ranim jutarnjim satima 16.08.2026. godine došlo je do požara u reonu planine Plješevice. S obzirom da se radi o miniranom području (informaciju je Vatrogasna jedinica dobila od BH MAC-a) gašenje požara trenutno nije moguće. Na terenu se nalaze pripadnici Vatrogasne jedinice Bihać i radnici ŠPD „Unsko-sanske šume“ – Šumarije Bihać. Ukoliko se požar proširi izvan miniranog područja, jedinice koje su na terenu će pristupiti gašenju požara. Juče 16.08.2026. godine je posan zahtjev za pomoć OS BiH.

Općina Bosanski Petrovac. Vatrogasna jedinica općine Bosanski Petrovac je imala intervenciju na gašenju požara od 20:00 do 22:00 sati u mjestu Krnjeuša, gdje je gorjela trava i nisko rastinje.

Trenutno je aktivan požar na lokaciji Crni vrh (planina Grmeč). Oko 45 ljudi je angažovano na gašenju. Smjer kretanja požara je prema najvišem vrhu Grmeča, od juga prema sjeveru, u kontra smjeru od najbližih naselja Janjila–Bravsko- Roginovac. Požar je gotovo nemoguće potpuno ugasiti, jer tinja duboko ispod sloja lišća. Šumarija je angazovala buldožer i šumski traktor kako bi napravili zaštitni pojas da se ne širi dalje. Tri vatrogasna vozila su na raspolaganju (općinske službe CZ, VD Drinić i vozilo šumarije).

Grad Cazin. Vatrogasna jedinica grada Cazina imala je sedam intervencija na gašenju požara:

- Od 13:11 do 13:55 sati u mjestu Šehiti, gdje je gorjela šuma.
- Od 13:55 do 14:48 sati u mjestu Toromani, gdje je gorjela šuma.
- Od 14:45 do 16:25 sati u mjestu Memića Brdo, gdje je gorjelo nisko rastinje i šuma.
- Od 16:25 do 19:20 sati u mjestu Liđani, gdje je gorjela šuma.
- Od 19:40 do 20:40 sati u mjestu Džehveruša, gdje je gorjela trava.
- Od 20:45 do 23:00 sati u mjestu Salkići, gdje je gorjela šuma.
- Od 23:20 do 03:20 sati u mjestu Liđani, gdje je gorjela šuma.

Općina Ključ. Vatrogasna jedinica općine Ključ imala je intervenciju od 16:40 do 17:20 sati u mjestu Biljani, gdje su gorjele bale sijena.

Općina Sanski Most. Vatrogasna jedinica općine Sanski Most je imala tri intervencije na gašenju požara:

- Od 13:49 do 18:27 sati u mjestu Sasina, gdje je gorjela šuma.

- Od 19:40 do 21:10 sati u mjestu Sasina, gdje je gorjela šuma.
- Od 21:40 do 23:10 sati u mjestu Sasina, gdje je gorjela trava i nisko rastinje.

Općina Velika Kladuša. Vatrogasna jedinica općine Velika Kladuša imala je šest intervencija na gašenju požara:

- Od 08:55 do 10:40 sati u mjestu Mrcelji, gdje je gorjela trava, nisko rastinje i šuma.
- Od 13:40 do 14:45 sati u mjestu Brezovo polje, gdje je gorjela visoka šuma i borovi.
- Od 16:53 do 18:50 sati u mjestu Gornja Vidovska, gdje je gorjela šuma.
- Od 19:05 do 20:30 sati u mjestu Trnovi, gdje je gorjela trava i nisko rastinje.
- Od 20:08 do 21:05 sati u mjestu Gornja Vidovska, gdje je gorjela trava.
- Od 21:02 do 23:35 sati u mjestu Kudići, gdje je gorjela šuma.

Tehničke intervencije

Grad Bihać. Vatrogasna jedinica grada Bihaća imala je tehničku intervenciju od 09:30 do 15:30 sati, snabdijevanje vodom i MTS-om jedinica koje su na gašenju požara u reonu planine Plješevice.

Ostale vatrogasne jedinice nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Zbog radova na sanaciji nadvožnjaka na lokalitetu Orljani na magistralnoj cesti Bihać-Ripač, zatvoreno je skretanje sa magistralne ceste prema naselju Ribić-Orljani.

Zbog radova na sanaciji klizišta na magistralnom putu M4.3. Bužim-Brigovi, saobraća se usporeno, jednom trakom naizmjenično.

Zbog radova na izgradnji pješačke staze, saobraća se usporeno, naizmjeničnim propuštanjem vozila uz ručnu regulaciju saobraćaja u gradu Bihaću.

Duge su kolone vozila na izlazu iz Bosne i Hercegovine na graničnim prelazima Izačić i Velika Kladuša.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se osam saobraćajnih nezgoda.

Četiri lica zadobila su lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Grad Cazin - Zbog povećane potrošnje i smanjenog kapaciteta na izvorištima uvedene su redukcije u snabdjevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača, a posebno za korisnike vodovodnih sistema Vignjevići i Tahirovići.

Općina Bužim - Zbog smanjenog kapaciteta i velike potrošnje pitke vode uvedene su redukcije za naselja koja se snabdijevaju sa izvorišta Pivnice i Musići.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 19 °C.

Vodostaj rijeke Une iznosi 20 cm, (početak obavještavanja je 100 cm).

U općini Sanski Most u 08:00 sati temperatura je iznosila 16 °C.

Vodostaj rijeke Sane iznosi 74 cm (početak obavještavanja je 310 cm).

Napomena: Služba civilne zaštite i zaštite od požara Velika Kladuša nije dostavila Redovni izvještaj.